

# Nagtalek ni Noe iti Dios

GENESIS 5:28-8:22

NAGBIAG TI NALINTEG A TAO A NI **NOE** ITI NAKADAKDAKES A LUBONG. **NARIGAT** PARA KENKUANA TI AGBIAG A KADUA DAGITI **DAKES** A **TATTAO** A **SAAN** A MANGRESRESPETO KEN JEHOVA.



AMMOK A **MARIGRIGATANKA**, NOE. NAMINSAN, IMBAGA IDI KANIAK NI LOLOM NGA ADAN A **NAKABAYBAYAGEN** A DAKES TI MAPASPASAMAK.

NGEM IMBAGA NI APO JEHOVA A **SIKA** TI MANGBANG-AR KADAKAMI.

NGEM **KASANO**, TATANG? **KASANOK** A MABALIWAN DAGITI BAMBANAG?

INKEDDENG NI **JEHOVA** A DADAELEN DAGITI DAKES A TATTAO BABAEN TI **LAYUS**. IMBAGANA KEN NOE NO **KASANO** A **MAISALAKAN** TI PAMILIANA.

AGARAMIDKA ITI **DAONG**. **SUMREKKA** KEN TI **PAMILIAM** ITI DAONG, KET MANGISERREKKA ITI TUNGGAL KITA TI **BILLIT** KEN **ANIMAL** TAPNO AGBIAGDA.

ARAMIDEK TI **AMIN** NGA IBAGAYO.





IMBAGA NI NOE ITI ASAWANA, ITI TALLO  
NGA ANNAKNA, KEN KADAGITI ASSAWADA TI  
IMBAGA NI JEHOVA.



NAPAUT NGA  
ARAMIDEN  
TI DAONG!  
AMMOTAYO KADI  
NO KAANO NGA  
UMAY TI LAYUS?



SAAN, NGEM  
TULONGANNATAYO  
NI APO JEHOVA A  
MAKALASAT.

MABALIN NGA 40 WENNO 50 A TAWEN A NAARAMID TI DAONG!  
NAGPUKANDA KADAGITI KAYO, NAGARAMIDDA KADAGITI TABLA,  
INIKKANDA DAGITA ITI ALKITRAN, KEN ADU PAY TI INARAMIDDA.



INKASABA MET NI NOE TI  
MAIPAPAN KEN JEHOVA, NGEM  
SAAN A DIMNGEG KENKUANA  
DAGITI TATTAO.



KUNA DAGITI  
KABAGIAK A  
SAYSAYANGENTAYO  
LAENG TI PANAWENTAYO  
A MANGIKASABA  
ITI MAIPAPAN KEN  
APO JEHOVA KEN  
AGARAMID ITI  
DAONG.

MASAPUL NGA  
AGTALEKTAYO A  
BENDISIONAN NI  
APO JEHOVA TI  
PANAGBANNOGTAYO.






DIMTENG TI PANAWEN NGA IMBAGA TI DIOS A SUMREKEN NI NOE KEN TI PAMILIANA ITI DAONG. PITO LAENG NGA ALDAW TI NAITED KADAKUADA A MANGISERREK ITI **TUNGGAL KITA TI ANIMAL!**



KALPASANNA, **INRIKEPEN NI JEHOVA TI RIDAW.**



NAGTUDO ITI **40 NGA ALDAW.** NAGDARAS A NATINEP URAY TI **KANGATUAN A BAMBANTAY!**





KAANOTAYO  
A RUMMUAR  
ITI DAONG?



NASUROK A  
MAKATAWENTAYO  
DITOYEN!



IBAGANTO NI  
APO JEHOVA  
NO KAANO TI  
KASAYAATAN NGA  
IRURUARTAYO.


AGTALEKTAYO  
KENKUANA.

IMBAGA MET LAENGEN NI JEHOVA KEN  
NOE A **MABALINDAN TI RUMMUAR**.  
**AWANEN** DAGITI NARANGGAS KEN DAKES  
A TATTAO!



INARAMID NI JEHOVA TI **BULLALAYAW** KAS SIMBOLO  
TI KARINA A SAANNAN A PULOS USAREN TI LAYUS A  
MANGDADAEL ITI AMIN A BIAG DITOY DAGA.

NAISALAKAN NI NOE KEN TI  
PAMILIANA GAPU ITI **PAMMATI**.



### ANIA TI MASURSUROTAYO ITI DAYTOY NGA ESTORIA?

APAY A MABALIN A **NARIGATAN** NI NOE  
A MAADDAAN ITI PAMMATI?

**MAKATULONG:** MATEO 24:38, 39;  
HEBREO 11:7.

APAY A MASAPUL IDI NGA **AGANUS** NI  
NOE KEN TI PAMILIANA?

**MAKATULONG:** GENESIS 6:14; 7:6;  
8:13-16; HEBREO 6:12.

APAY A **KASAPULAM** TI PAMMATI KEN  
PANAGANUS?

**MAKATULONG:** MATEO 24:36, 37;  
HEBREO 10:36-39.